



咨

大總統咨參議院議決海軍部官職令草案文

查海軍部官職令草案前據該部呈送前來經交由法制局審定在案茲復據法制局將該項官職令草案繕具清摺呈請鑒核前來相應備文咨請貴院迅賜議決以便頒行此咨

大總統咨參議院議決稽勳局官職令草案文

設立稽勳局一事前經貴院議決可行在案茲由法制局擬定臨時稽勳局官職令草案呈請鑒核前來合卽繕清原案咨請貴院議決施行此咨

計送臨時稽勳局官職令草案一件

附法制局原呈

法制局長宋教仁爲呈送事案奉三月十五日大總統令開茲准參議院咨開二月十九日准大總統咨開設立稽勳局一案又二月二十七日咨請本院將此案從速付議並於稽勳局設一捐輸調查科專調查光復前後輸資人民其持有證券來局呈報或

由他項方法確實證明者就其輸助金額給以公債票請本院歸併前案釐復等語本院於本日常會議決稽勳局及局內設一捐輸調查科兩事均屬可行惟捐輸調查科就輸助金額即給公債票一節似侵入財政範圍不僅含稽勳局性質務請調查明確後分別叙勳其應否發給公債票一層當另案提交本院等因准此合即令仰該局速將稽勳局官制擬就呈送以便咨請參議院提議至應設各官似於總裁之下尙宜添設顧問調查等員而調查員尤宜就省分設額數以期諳悉情形不漏不濫仰該局於編制官制時一併悉心籌議前咨參議院原案二件鈔發此令等因奉此悉心籌議即速擬訂惟令開總裁之名與各部院局官職令不能一律不若均稱以長斯免紛歧各省調查員額數須各省斟酌情形定之未便定額茲遵令擬就臨時稽勳局官職令草案十條謹繕摺呈送是否有當伏乞大總統察核施行此呈

計呈稽勳局官職令草案清摺一扣

大總統咨參議院將陸軍部概算冊中之衛戍費一項取消文

據財政部呈稱本月二十一日准陸軍部咨開准南京衛戍總督徐咨稱本總督府三月

分概算書當時以趕造表冊尙須時日經先將衛戍軍隊大概數目函送在案惟查敝處預算軍隊薪餉而外尙有總督府人員月俸及廳費各項日昨迭准財政部咨催經衛戍總督府暨所屬軍隊支用各款造具表冊全數咨送財政部并聲明嗣後領款按月由敝處直接向財政部全數領出以歸簡便仍將支用實數造報送請查核相應備文連同表冊咨請查照辦理等情查本部三月分概算書業經咨送貴部察核惟其中尙載有衛戍經費一項茲准前因自應全數取消以免歧異等因到部查衛戍總督府概算另備專冊共十二萬八千六百元三角九釐其中衛戍費一項共需現金公債計共銀元十萬另六千五百十五元前次陸軍部所送概算清冊又復將此項列入自係重複應照陸軍部來咨即將該部概算冊內之衛戍費一項取消以符概數理合備文呈請鑒核俯賜轉咨參議院查照施行等情前來爲此相應咨請貴院將陸軍部概算冊內之衛戍費一項取消以符概數而免歧複此咨



令示

大總統令各都督保護人民生命財產電文

各省都督鑒臨時大總統孫令此次改革原爲救民水火乃聞各省光復以來各地方行政長官及帶兵將領良莠不齊每每憑藉權勢凌轢鄉里有非依法律輒入人民家宅搜索銀錢衣物書籍據爲己有者有托名籌餉強迫捐輸甚且虜人勒贖者有因小忿微嫌而擅行逮捕人民甚或槍斃籍沒以快己意者排擠傾陷私欲橫溢官吏放手民人無依若不從嚴締治將怨鬱之極鋌而走險恐非地方之福現在地方官制尙未頒行各省都督具有治兵察吏之權務須嚴飭所屬勿許越法肆行一面出示曉諭人民有受前項疾苦者許其按照臨時約法來中央平政院陳訴或就近向都督府控告一經調查確實立予盡法懲治并將罪狀宣示天下以昭儆戒本總統雖解職在即然一念及民生塗炭國本所關不敢自暇願各省都督百僚有司共勉之此令廿八日孫文印

大總統撫卹廖傳昭等令文

據呈管帶廖傳昭運動革命多年卒慘死於淮南蚌山之役請照左都尉陣亡例賜卹其隊官朱廣鳳李允覺排長王懷盛徐兆豐亦同時殉義請照右都尉暨大軍校陣亡例賜卹其軍士十餘人請併准予附祀該忠義祠又決勝團學生隊王卓詹蒙周廷章李儒清

轉戰武漢中彈斃命情形極慘經各處報告確實請照大軍校陣亡例卹賞自係闡幽表忠之意爲此令行該部仰卽遵照辦理以卹生者而慰忠魂此令

附陸軍部原呈

爲呈請事案准第一軍長兼皖軍總司令柏文蔚咨開據第七旅長袁家聲呈稱竊查旅長所屬舊制第八營管帶廖傳昭字璞純安徽鳳台縣人於前清光緒三十一年入皖省徵兵營充當兵士旋由弁目挑入講武堂研究戰術三十三四兩年徐錫齡熊成基舉事與其胞兄廖海粟均與謀事敗逮捕將及不得已避回本籍彼時熊成基亦避入淮上隱匿傳昭家得免於難傳昭兄弟維持之力居多去年春廣東黃花岡之役其兄海粟得同志招致書親赴上海卽囑傳昭運動淮上各州縣響應事雖未成而傳昭奔走呼號經營慘澹心力俱瘁亦云極矣九月十五光復壽州傳昭率鄉團五百人直入東門滿兵素懼其名故不戰而潰壽旣復公推爲淮上總指揮辭不任願親率一營北向殺賊旋以江防潰兵經過鳳陽與第八旅楊穗九相拒奉總司令命令隨同旅長赴鳳援助十月十三日下午八句鐘船抵蚌埠探悉金陵光復首惡張勳及滿員鐵良

由明光強登火車北來傳昭力請堵勦以除後患該營與袁子閱礮營均扼守蚌山敵至身先士卒鏖戰至五時之久及至敵已搶山而上他營均已退卻山上僅餘其隊官朱廣鳳李允覺並其排長王懷盛徐兆豐等十數人猶復揮刀力戰不稍畏怯初兩隊官兩排長於我軍退卻時力勸傳昭急走傳昭死不肯下竟至身中五鎗登時殞命而兩隊官兩排長亦以保護傳昭不忍遽去遂同時遇難旅長查傳昭立志之堅處心之久臨敵爭先不惜身命而死事尤極慘烈應請建立專祠俾其兩隊官朱廣鳳李允覺兩排長王懷盛徐兆豐及同時陣亡諸兵士等從祀其中並請卹其寡妻弱子以慰死者之心而作生者之氣爲此將廖傳昭戰死情形呈請軍統鑒核轉咨陸軍部准予建立專祠並卹其妻子前來據此查該旅長舊屬管帶廖傳昭堅持革命奔竄經年卒慘死於淮南蚌山之役其隊官朱廣鳳李允覺排長王懷盛徐兆豐亦同時殉義該旅長所請建祠賞卹各節自是闡幽表忠之意備文咨請前來等因准此查該管帶廖傳昭暨兩隊官排長爲國殉義核與陣亡例相符該管帶應照左都尉例賜卹該兩隊官應照右都尉賜卹兩排長應照大軍校賜卹及軍士十餘人并應准予附祀該忠義祠以

慰忠魂理合呈請大總統核奪施行實爲公便須至呈者

大總統令財政部將黃興等呈請撥助拓殖協會經費三十萬元編入

預算文

據黃興等呈稱竊查世界列強近皆注意於保護產業各以扶植已國權利爲唯一無上之政策自西葡航海移殖以來德於南美阿根第那於亞細亞土爾其及巴爾幹半島英於南亞非利加尼勒河流域揚子江流域與夫印度波斯之間俄於滿州蒙古伊犁及波斯土爾其法於亞非利加及南亞細亞皆扶植殖民之勢力而蓄謀甚陰近益舉世風靡時會所趨無待贅述我國領有東西北滿蒙回藏數萬里扼要之地慢藏誨盜以資外人爲國防計何以固吾圉爲外交計何以殖吾力爲經濟計何以阜吾財爲財政計何以足吾用藩籬旣撤堂奧豈能晏然每一籌思輒爲心悸現在共和成立百廢具舉而拓殖一端尤爲當務之急然茲事重大斷非一手一足之力所可成功考各國拓殖歷史有因國家政治失宜紀綱破裂由脫走本國之人民建立者有因國家之政策強制人民移住遂爲後日繁榮之基礎者雖事實各有不同而其必得國家之協助則一也今民國建設伊

始上下一心苟其事爲國利民福所關當不致再蹈亡清壅滯隔閡之弊興等不揣冒昧發起拓殖協會一面編纂書報鼓吹以激國民移住之熱心一面組織公司實行以養國民開拓之實力惟需款甚鉅既非個人財力所能經營而招集股份又恐迂緩難收急效用敢披瀝陳詞籲懇大總統俯念時艱撥助維持經費三十萬元交參議院列入每年預算案以便籌辦拓殖公司及一切附屬事宜藉杜外人覬覦而植國家富強之基業伏乞鑒核允准立案並指撥大宗經費以資進行民國幸甚等情前來查吾國民族生聚於東南而彫零於西北致生聚之地人口有過剩之虞彫零之區物產無豐阜之望過與不及兩失其宜甚非所以致富圖強之道拓殖協會之組織實爲謀國要圖國家自應協助除批示外爲此合行令仰該部將該協會所請維持經費三十萬元卽行編入每年預算案卽交參議院核議切切此令

陸軍部諭軍官學校及入伍生隊文

爲通諭事照得軍官學校及入伍生隊皆爲造就軍官以備民國之干城而設其人格至尊其責任亦至重也而其中教育惟一之要素全在服從二字但服從之義在平人爲相

對主義在軍人實爲絕對主義相對主義者對於是則服從對於非則不服從而絕對主義者則無論如何皆應服從者也軍人何以有此種義務因國家所倚者惟軍隊軍隊所重者在軍紀服從爲軍紀之特質破壞服從卽破壞軍紀卽破壞國家而軍人之尊榮亦失故服從實服從軍紀非服從個人也服從之定義如此乃竟有學生往往因一己之私見聚衆要挾反抗長官之命令且遇見校隊內外各級長官並不致敬此等惡習實屬大千軍紀該生等須知今日爲學生他日卽爲官長較之兵士不同敬禮長官卽表示軍人之精神尊重自己之人格并非卑辱軍人之事該生等萬不可再蹈此種惡習而損軍人之榮譽爲此剴切通諭仰軍官學校校長入伍生隊隊長轉諭該生等以後遇有聚衆要挾反抗長官之事無論學生人數之多寡凡預事者一律開除懲辦決不姑寬而對於無論校隊內外各級長官均須一律致敬以肅軍紀而整校規此諭

財政部批湖南唐辰等請改良釐務章程辦法呈

呈悉所陳尙有見地仰候分別採用可也此批

財政部批兩江法政學員張廷駿等條陳整頓釐務並懇酌量委用呈

呈悉查釐金一項積弊已深非從根本上解決不能着手整頓本部正在統籌辦法所請
委爲釐金專員一節暫毋庸議此批

財政部批復且公學謝大垣請委員分往皖南督收木茶稅呈

呈悉查木茶兩稅向由各省委員徵收所請由部派員之處暫毋庸議此批

財政部批前辦鎮江運北統捐局委員余慶齡請復設鎮江米市懇准

委員辦理呈

呈悉查米市由鎮移蕪辦理已久卽議規復舊制亦應由蘇皖兩都督酌核辦理所請委
員興辦之處應毋庸議此批

財政部批商民胡承睢請提倡坐股開設銀行呈

呈悉關於貯蓄農業等各種銀行本部已擬訂則例呈請大總統提交參議院通過後卽
將通飭各省酌量情形遵章籌辦所請設立共和儲蓄銀行一節碍難照准此批

財政部批商人賈鳳威請於無錫分設銀行推行鈔票呈

呈悉所請分設銀行於無錫以推行鈔票一節應由本部知照中國銀行熟察情形斟酌

辦理此批

財政部批號商陳薰請發還滬關押件餘產呈

據呈已悉該商號信用素著因市面牽累殊為可惜該號東借墊巨款方期清理乃復迫於市面且因官商閱膜以致清理困難自係實情所有滬關押件候移交接收之日如果償欠有餘應准發還仰即遵照此批

財政部批江寧商務總會請分設銀行於徐州呈

呈悉所請分設銀行於徐州以資周轉而維商業一節應由本部知照中國銀行熟察情形斟酌辦理此批

司法部批南京地方審判廳廳長楊年申報夏仁沂等調補該廳庭長各職呈

呈悉該廳民二庭長卞福孫辭職自應呈由該管官廳申請本部核辦該廳長竟敢擅行委任實屬藐玩已極為此批示仰該廳長速將第二初級廳推事夏仁沂代理推事尹道龍調回原任所遺民二庭庭長一缺聽候本部咨由江蘇都督飭該管官廳派員接任可

也此批

司法部批南京地方審判廳廳長楊年申報委任該廳刑二庭庭長及

各職員呈

呈悉該廳刑二庭庭長盧重慶民一庭推事袁希濂相繼辭職該廳長自應叙由呈明管轄官廳申請本部分別辦理該廳長無任法官之權何得擅行委任實屬藐玩已極本部現已據呈咨由江蘇都督飭該管官廳派委矣爲此批示仰該廳長速將所委之涂景曦屠銓立即取消聽候派委可也此批

教育部批陳兆葵等創辦中國學報請立案呈

呈悉學藝進化由簡單而複雜專已守殘固非通軌遠求近捨亦背常經我國周季九流並興學藝之盛比隆希臘宋明理學亦足與西洋中古之煩瑣哲學相頡頏海通以來歐化輸入老師宿儒屏斥勿道而醉心新學者至欲舉經史百家悉束高閣則亦惑之甚者也陳兆葵等創辦中國學報將以闡發古微昭宣國粹使承學之士有所據依以通新舊之郵而證異同之說用意至善所請立案自應照准此批

● 紀事 ●

陸軍部請撫卹王簷周李四生呈

陸軍部總長黃興爲呈請事案據電信局隊長楊乃清等呈稱與王卓同肄業於南京陸軍第四中學堂聞武昌起義清同學生五十餘人編成決勝團學生隊九月六日起程初九日抵武昌初十領令迎敵漢口卓奮勇爭先彈傷左腿行經水際復中敵彈墮水而死所死之地遂爲北軍所佔屍骸無從尋覓清等同鄉同學又同經戰陣其死傷情形均所目見本月二十二日卓父拱樞自家來甯述其祖母聞耗哀慟逝世其妻痛哭求死親老妻寡衣食莫措等情據楊子嘉呈稱漢陽戰時決勝團學生隊在漢陽助戰陣亡王卓蒙周廷章李儒清等四名請予撫卹等情前來據此查該故生王卓浙江台州人龍王廟陣亡詹蒙浙江處州人琴斷口陣亡周廷章湖北廣濟縣人李儒清貴州興義縣人均於漢陽陣亡該故生等轉戰武漢中彈斃命經各處報告確實殊堪憫惻應照大軍校陣亡例卹賞以恤生者而慰忠魂理合呈請大總統鑒核施行實爲德便須至呈者

交通部職員名單

承政廳

秘書長 程滄

秘書 尤桐 劉芬 胡健 余光粹 李載賡 王震良

參事 陳濤 沈步洲 梁上棟 張通典

編纂 姚東彥 陳非

司務 周亮才 沈怡中

主計 孫芷沅

視察 童熙 裘載深 張承櫛

錄事 黃嘉祥 陸旬 胡柏齡 楊基

工監 吳國良

工師 陳青州 王明照

郵政司

司長 陳廷驥

總務科科长 黃國俊

科員 陳履祥

經畫科科长 王文蔚

科員 沈承霈 黃敏

通阜科科长 唐漢生

科員 容乃功

文牘科科长 唐文啓

科員 徐德培 胡敬一

錄事 陳忠濤

審查 錢春祺

航政司

司長 葉兆崧

總務科科长 鄭洪年

臨時政府公報

紀事

第五十二號

十五

科員 邱其裕 樓祖迪 楊智生 謝學霖

管理科科长 關葆麟

科員 孫蔚生 吳 楨

籌畫科科长 梁 和

科員 王瑞年 張 道 鄧露村 胡厚澤 蘇搏雲

錄事 仰業濛 朱壽康

路政司

司長 顏德慶

總務科科长 杜立權

科員 章理綸 段體全 李國驥 周詩祉 俞統南

工務科科长 李壯懷

科員 伊俊一 錢世祿 吳世翹 隴高顯

運輸科科长 楊 若

科員 魏武英

計理科科長 章錫和

科員 許道生

錄事 張煥 余家鏞

電政司

司長 王蘊登

總務科科長 謝霖

科員 裘昌年 蔣煒祖

管理科科長 周傳誠

科員 翁之章 王勛

工務科科長 伍守彝

錄事 孫煥章 陶鳳鳴

禁煙公所職員名單

臨時政府公報

紀事

第五十二號

十七

總理 石 瑛

顧問 丁玉華

文牘科長 朱 侗

文牘科一等科員 馬國文

文牘科二等科員 孫以驥



文牘科三等科員 程毓芳

調查科長 潘宗瑞

調查一等科員 鄭象莖 楊少俊

調查二等科員 陳文海

調查三等科員 陳 謨


 雜報 

大本營總兵站通告

奉大總統令開照得戰局告終大本營着即取銷所有兵站業務統歸參謀本部兼理等

因奉此本總站遵卽於三月底將鎮江蚌埠兩支站揚州清江臨淮徐州浦口各出張所一律取銷僅留上海支站及下關總站辦公處移交前參謀本部茲聞叅謀本部總站設在下關參謀本部支站設在上海嗣後各軍如有運輸事務可向該兩處接洽辦理可也

大本營總兵站謹啓



臨時政府公報

雜報

第五十二號

二十



臨時政府公報

附錄

中華民國元年三月三十日 星期六

隨報附出 不另徵費

電報

申報暨各報館南京中央公報北京國風日報館均鑒蔣都督乞賑電又如左北京大總統袁南京大總統孫張季直先生均鑒前次電懇大總統先撥數萬金以救江北災民之急此電計登鈞覽竊查江北近數年中無歲不有水災無年不有饑饉人民困苦已達萬分去年夏秋之際水患更甚於前秋冬之間繼以變亂災情之重爲十數年來所無亦爲東南各省所希有今籌賑者方留意於皖以爲皖北之災甚於江北其實江北受災與皖不相上下且間有數處受災較重於皖此不可不辨者也自城內粥廠設立以來各處飢民爭赴恐後浦城內外飢民齎集數萬雖一瓢餬口苟延殘喘於須臾而凍餒交攻必喪溝渠於異日前日王家營分設粥廠飢民大至有行至中途顛踣氣絕者有略被擁擠一蹶不起者每日餓斃必有百數十人死者枕藉於途生者號呼於野種種慘痛之狀口不

忍言目不忍觀其設有粥廠之地而耳目所及者情形如是未設粥之各屬耳目所不及者情形更可想而知雁行德薄能鮮忝視此方面而坐視災民之日有死亡力不能拯中心如搗日夜徬徨敢作九閩之呼急救秦廷之哭伏乞大總統念江北之遘災憫飢民之垂死迅撥十萬或七八萬金以充急賑而救災黎不勝迫切待命之至江北蔣雁行九叩宥印江北都督府機關報處沁印

(清江浦來電一)

上海申報暨各報館中央公館國風日報均鑒蔣都督請賑電如下北京袁大總統南京孫大總統實業部長張鈞鑒前奉總統來電以江北災情甚重已籌款發交張總長分別辦理惟現在清淮一帶飢民鬻集餓尸載途穢氣散於城郊且恐鬱爲鼠疫當此野無青草之時實有朝不保夕之勢覩死亡之枕藉誠疾首而痛心雖設有粥廠略濟燃眉無如來者愈多無從阻止粥廠款項不繼勢將停止苟半月內無大宗賑款來浦接濟則飢民死者將過強半卽有數百千萬之鉅款亦不能重起餓殍於九原令其受賑爲此情急瀝血電陳可否仰求總統總長俯念災民垂鑿急救目前無論何處迅撥數萬金由總長派員經理其事俾飢民得暫緩須臾之死以待夏秋之成雁行不勝迫切待命之至江北蔣

雁行叩江北都督府機關報處效印

(清江浦來電三)

各省衙門均鑒本日臨時大總統命令達賴喇嘛班禪額爾德呢哲布尊丹巴呼圖克圖分駐蒙藏爲黃教宗主歷輩相傳咸深信仰凡我蒙藏人民率循舊俗作西北屏藩安心內向近年邊疆大吏措施未善每多壓制甚且有一任官吏敲詐剝削以致惡感叢生人心渙散言念及此不禁慨然現在政體改建共和五大民族均歸平等本大總統堅心毅力誓將一切舊日壓制弊政悉行禁革蒙藏地方尤應體察輿情保守治安茲據駐京札薩克喇嘛等公懇組織蒙藏統一政治改良會核其宗旨係爲宣布五族平等伸我蒙藏人權起見應准其先行立會自茲以往內外札薩克蒙古各盟旗暨兩藏地方歷來疾苦之事應候查明次第革除并望各王公呼圖克圖喇嘛等於中央大政及各該地方應興應革事宜各抒政見隨時報告用備採擇務使蒙藏人民一切公權私權均與內地平等以昭大同而享幸福是所至望此令京有印

(北京來電七十七)

衙門均鑒本日命令臨時大總統令任命彭英甲補授甘肅布政使此令京宥印

(北京來電七十八)

北京袁大總統各部院南京孫大總統各部院武昌黎副總統各省都督各議會各埠報館均鑒民國初立治理萬端稍涉疏虞便成鑿柄延闈自維學識淺陋無補時艱故自大總統就職及提出國務卿以來未嘗以一言發表政見者深恐以無當之言有塵清聽耳頃奉黎副總統碼電詞意痛切精誠曝著所言與其斷送於今日甯補救於將來精理名言深爲欽佩諸公明達諒予贊成抑延闈更有陳者各省後先起義懷抱之目的雖同而進行之手續或異以言軍事則驕惰成習不識服從爲何物以言民事則司法行政時有衝突財政困難尤其小焉者至於法令條件雖不能規定於戎馬倉皇之日亦當舉綱領於政府初建之時愚以爲國務員固應卽時確定其以後之積極進行當悉聽命於中央政府而以國會爲監督機關以符民國政體不然南北雖一家仍不統一此中危險更何以治內而對外乎觀前清政治各省自爲風氣議者譏爲十八國此次革命收功允宜統籌至計幸毋因陋就簡再種惡因若夫用人行政雖在大總統權限之中特從前名譽已壞爲民國所不認可者自不宜再留於政界倘或因統一而實行專制因共和而未能協同凡皆足以致前途之危釀第二次革命之慘諸公高明當亦深慨於此而急圖補救者

延闈不才謹貢區區伏維鑒諒湘都督譚延闈叩印

(長沙來電七十九)

南京孫大總統武昌黎副總統南京參議院各省都督各軍司令公鑒本會已於三月廿五日開成立大會議決會綱并派員赴甯促成統一政府甯蘇浙豫皖奉吉黔粵鄂燕魯晉十三省又蒙古臨淮江北熱河察哈爾上海等處代表共五十九人均與會軍界統一会印有印


(北京來電八十)

南京孫大總統鑒鴉片流毒其害甚於專制鴉片一日不除民國一日不得真自由懇請大總統速請英國復我自由禁烟之主權基督教五公會聯電

(上海來電八十二)

北京袁大總統武昌黎副總統參議院孫中山先生均鑒召集國會應依臨時約法第五十三條規定維持國基端在守法私人行動非以法定組織者政府斷不承認閩省派員之事本都督並未與聞謹告閩都督孫道仁徑

(福州來電八十二)



告白



總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該

處以三日爲限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左（無則姑闕）

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄

送本局登載公報藉規地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆



本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其子目見前
- 四 本報日出一冊如遇國家紀念日星期日政府停止辦公時本報亦休刊一日
- 五 政府對於各地所發令示或宣布法律凡登本報者公文未到以本報到後爲有效
- 六 凡各官署皆有購閱本報之義務唯具印文請領者皆照定價五折徵納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號曾瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

自由新報

檀香山

印刷所 臨寺女仔印刷局工廠